

P W U H K E N

KAWEID
KASUKUHL

P W U H K E N

KAWOID
KASUKUHL

Wiwidahsangehr
Mwomwohdiso en Sises Kraiss en Souleng en Imwin Rahn akan
Salt Lake City, Utah

© 1994, 1999, 2001 sang Intellectual Reserve, Inc.
Kolokol pwuhng koaros
Ntingdahr nan USA

Kamanaman ohng Lokaiahn Wai: 3/01
Kamanaman ohng Kawehwe: 3/01
Kawehweper *Teaching Guidebook*
Pohnpeian

Audepe Kan

| | |
|--|----|
| Mehn Kepehse | 1 |
| Kaunopada Pali Ngeniomw | 3 |
| Wia Ahmw Kasukuhl Duwehte Sapwellimen Sises Kasukuhl | 6 |
| Doadoahngki Wiepen Kasukuhl Kan Me Wekiwekin | 12 |
| Kaunopada Ahmw Padahk | 17 |
| Wehwehkihla Irail Kan Me Ke Kasukuhlih | 21 |
| Isepen Kasukuhl | 24 |
| Apwahpwali Kamwahulahn Sounpadahk kan en nan Prans | 26 |
| Pilahn en Padahk en Kasukuhlpn Pwuhk Sarawi | 29 |
| Alehdi Dipwisou kan en Mwomwohdiso oh Papahki Ire kan me pid Poadoapoad en Peneinei | 32 |

Nehnepeseng

Pwuhk en Kaweid Kasukuhl kin doadoahk ni e kin patehng mehn katanga kasakuhl (basic) oh pil pahn katepe ong sourpadahk kan oh ekei towe kan nan unit kan me doadoahngki mehn katang kasakuhl (general) (kilang *Mehn kaweid ong Kaun akan en Prihstud oh Aksileri ong Wiepen Katanga Kasukuhl* [36363]). Pwuhk en kaweid wet kak sewese towe kan kamwahuiala padahk kan en nan ihmwo oh nan pwihn akan. Emen emen sounpadahk kan pahn kin alehdi ehu koapi; moangen peneinei en ehu ih peneinei pahn kak diarada me pil sawas.

Mehn Kepehse

Pwuhk en kaweid wet wiawidahr ong pahpa oh nohno kan, kaun kan, oh sounpadahk kan. E pil kak wia kisehn en emen aramas nanti pwehn mwahula nin duwen sounpadahk men. E kak wia poahsoan en kasukuhlpn pwuhk sarawi oh mihting kan en kamwahulahn sounpadahk (kilang palien doaropwe 26–28).

Kauno ketin padahngki:

Oh I kiheng kumwail kosonned ehu me kumwail kosonned ehu me kumwail en kasukuhlieki emen emen poahsoan en padahk en wehio.

Kasukuhlih kumwail ni ngoang oh ahi kalahngan pahn kipeikumwaildi, me kaweid mwahu pahn koghieng kumwail ni koasoai, ni padahk mehlel, ni poahsoan en padahk, ni kosonned en rongamwahuo, ni soahng koaros me pid wein Koht, me konehng kumwail en wehwehkihla (tehk D&C 88:77–78).



Ni ihmw me uhdahn pahn wia poahsoan en wia doadoahk wet. Sawas en ni ihmw kin kohsang ni kasukuhl oh

kaiahn me kin wiewiawi ni ihmw sarawi. Kitail koaros ahniki pwukoah en wia sounpadahk ni ihmw oh Mwomwohdiso oh ong mehn mpe-tail oh iengetail kan nan atail mour nan ehu ehu rahn. Kitail en wia kasukuhl ni atail wia pahpa de nohno, nein pahpa oh nohno pwutak, naira serepein, mwahnakapw, peinakapw oh perien en pwutak oh serepein kan. Kitail en wia kasukuhl ni atail wia sounkaweid en Mwomwohiso, sounpadahk en nan perehn sukuhl, sounpadahk en ni imwatail, oh sounpadahk en pas. Kitail en pil wia kasukuhl ni atail wia soun sawas kei, mehn mpe kei, oh kempokepah kei. Ekei ansou kitail en padahk sang ni soahng kan me kitail koasoai oh atail kadehde, ahpw kitail en ansou koaros wia kasukuhl ni eh wia mehn kahlamangi.

Pohn oaroahr en Sehđ en Kalili, Kauno me ketin kalohpwulahr ketin kaweidkin Peter, “Kamwenge nei sihpw kan” (Sohn 21:16–17). Ilek en kasukuhl anahne kitail en kakehlailiekihda mour en aramas teikan mehlel en pwuhk sarawi pwe en kahluaairaila rehn Sounkomour (tehk Moroni 6:4). Medewe pwukoah en kasukulpen pwuhk sarawi ni komourlahn sawpwellimen Sahn Ieias Nanleng serikan. Mie pwukoah ke kak medewehda me nohn waun de sarawi?

Ma kowe pahpa de nohno men de emen me kapwehng malipilip ong sounpadahk wet, ke uhdahn anahne kesempwaliki pwukoah wet. Tamataman me Kauno ketin onopadahr pwehn seweseiuk. E ketin inoukhdier me ma kitail peik oh ahniki koapwoaroapwoar, E pahn ketin kakehlahla rehtail atail luet akan (tehk Ether 12:27). Nan atail songisong en

kekeirda nan pwukoah en sounpadahk, kitail kak keirkihda soahng kan me kitail marainkiher oh koahiek kan me kitail kairadahr nan atail mour kan lelodo met. Atail kak kan pahn keirda ni atail pahn kaunopada ni ke-neinei, song en kakehlahda irail kan me kitail kasukuhlih, oh koapwoaroapwoarki Kauno.

Kaunopada Pali Ngeniomw



Ni omw pahn Kaunopada Pali Ngenimw, Ngehno, de Ngehn Sarawi, pahn ketin kaweiduhk oh seweseiuk nan ahmw kasukuhl. Ngehn Sarawi kesempwal ong ni kasukuhlpen kosonned kan oh mehlel kan en pwuhk sarawi. Kauno ketin mahsanih, Ngehn Sarawio pahn ketin kipeikumwaildi sang ni kapakap en koapwoaroapwoar; oh ma kumwail sohte alehda Ngehno kumwail sohte kak wia kasukuhl (tehk D&C 42:14). Kaweid me sansal pah kan pahn seweseiuk kaunop ong kasukuhl ni kaweid en Ngehn Sarawi.

Ko en Alehdi Kasarawi

Ma ke alehdier malipilip ong wia kasukuhl, ke uhdahn pahn alehdi kasarawi tohrohr sang ahmw kaun en

priesthood kan. Kasarawi wet pahn seweseiuk pwe ken kak kapwaiada malipilip me kohieng uhk. Ni omw pahn wia ahmw kak koaros en doadoahngki malipilip ong wia kasukuhl, Kauno pahn ketin kakehlahla ahmw koahiek en sewesehda mehteikan. E pil pahn ketin kakehlaiukada sikisang peing ahmw koahiek me mie oh kak kan nan ansou kan me mie anahnepe.



Rapahki Kaweid en Ngehn Sarawi

Rapahki Ngehn Sarawi nan ahmw kasukuhl. Kauno kak ketin seweseiuk pwe ken wehwehkihla anahn en irail kan me ke kasukuhlih oh kaunopdahn wiepen padahk kan me pwungieng anahn pwuko. E pahn ketin kameleileidi mohningimw oh kaunopada ahmw lamalam en alehdi pil ekei kaweid oh sawas.

Poadidieng Kapakap

Poadidieng kapakap oh peki rehn Kauno en ketin kupwureiuk ni ahmw onop oh kaunop. Ekei ansou ke pahn kak kapatahieng kaisihsol ahmw kapakap akan. Kapakap pwe ken kak wehwehki oh pokeng irail kan me ke kasukuhlih. Nantiheng ken kakala kesempwaliki oh idawehn iloak kan en Ngehn Sarawi me pahn peidohnguhk.

Onopiki Pwuhk Sarawi Kan

Peki sawas en Koht ni omw onopiki mahsen en pwuhk sarawi. Ni omw wia met, ke pahn wehwehkihla duwen Sounkomour oh kekeirda nan wehwehki mehlelo. Ngehn Sarawi pahn ketin seweseiuk pwe ken esehla iren pwuhk sarawi oh marainkihda



duwen eh kin doadoahk ong anahn akan en tohn sukuhl kan de tohn pe-neinei kan. Ni omw pahn kapatahieng kapakap oh kaisihsol ahmw onopiki ire kan en pwuhk sarawi, Ngehn Sarawi pahn ketin kakehlaiuk oh kaweiduhk nan ahmw kasukuhl.

Momourki Pwuhk Sarawi

Ko en momourki pwuhk sarawi ni uwen omw kak koaros. Koluhkihla wiewia sapwung en mahs akan. Ni omw pahn wia mepwukat, kehlail oh marain pahn kipeiuiedi. Meleilei oh popohl ke pahn alehsang ahmw pahn nantieng momourki pwuhk sarawi pahn wia mehn kadehde rehn aramas teikan. Re pahn kehn mehlel en ahmw kadehde oh kehlail en ahmw poadidi ong. Irail pahn sukuhlsang ni mwomwen ahmw mour.

Mie emen sounpadahk me loiengehr kahpwal en pehmada kaweid sang Ngehn Sarawi ni eh kaunop ah padahk. Ni ansou me e kapakap oh peki sawas, e pehmada me mie katoutou nan ah mohngiongo me doke emen mehn mpe sohte kin kadekehng ih. Ih eri peki ni karakarakh rehn Kohk en ketin mahkehng ih. Pweidi manda, lih menet ahpw pwarala rehn lihteio oh pekmahngki ah kin kailongki. Lih menet oh mehn mpeo ahpw nanopwungmwahula, oh ih eri pwurehng kakala perepereniki kaweid en Ngehn Sarawi.

Ko en Aktikitik

Karakarahk kak sewese perehsanguhk kasongsong en ropirop ongete pein kowe de nohn koapwoaroapworkihla ahmw erepit de kohiek. Ke kak kasa-lehda karakarahk ni omw pahn ida-wehn kaweid en nan Proverbs 3:5-6: "Likieki Kauno mongiongimw unsek;

oh dehr wahwahkihla dahme ke ese. Nan ahmw mehkoaros pohnese lh, ah e pahn ketin kahluaiuk." Kauno ketin padahngki, Kowe en aktikitik; ah Kauno ahmw Koht pahn ketin kol pehmw en oh kahluaiuk, oh ketin kupwure ahmw kapakap akan (tehk D&C 112:10).

Wia Ahmw Kasukuhl Duwehte Sapwellimen Sises Kasukuhl



Poakehng Irail Kan Me Ke Kasukuhlih

Nan sapwellime ieias pohn sampah wet, Sounkomour ketin kasalehieng limpoak mehleh oh marain rehn aramas koaros. E ketin padahki me semwehmwe, me kepwehpwe, me leki-dekla, oh me dipan akan. E ketin padahki kitail en poakpene nan pwungatail oh sewese emen emen. E ketin mahsanih, I kiheng kumwail kosonned kapw ehu, Me kumwail en pokehng emen emen; duehte ahi poakehng kumwail, oh kumwail en limpoakpene (tehk Sohn 13:34). Ni atail kasalehieng atail limpoak ong irail kan me kitail kin kasukuhlih, re pahn

esehla dahme irail kak wiahla kohkohlte, perenkihla sukuhl, oh kakala alehda Ngehno.

Sounpadahk en pwuhk sarawi wia pwukoah laud sang pahkihda kasukuhl pak ehu nan ehu wihk. E pil wehwehki apwawhpwalih irail kan



me kin towe ahmw kasukuhl. Song ken wehwehkihla emen emen irail ni arail wia aramas. Met pahn sewese ahmw kasukuhlihrail en idipek. Irail pahn anahne ahmw sawas ma re pahn lelohng kahpwal, ma sohte sawasaparail, de ma re ahniki kahpwal en paliwar. Tamataman sapwellimen Sounkomour karasaras me pid sihpw salongalao (tehk Luhk 15:3–6).

Mie emen sounpadahk me emen nah seri sohte kalapwiang sukuhl ahpw diarada me ansou koaros me e kin pakairlahng en serio peneinei nan wihko, serio pahn pwarala iang sarawi Rahn Sarawi en mwurio. Ih eri song koasoaieng en serio pahpa oh nohno oh padahkiheng ira duwen ah pokehng neira serio. E pil kin idanda serio sang sukuhl nan ansou kan me ahn serio pahpa oh nohno kin wie doadoahk pwe serio en kin ansou koaros towehda kasukuhl.

Ni omw wia sounpadahk, ke pil kak ehu ong towe kan oh sewese irail mihmihte ihmw nan arail wikiong rongamwahuo. Met inenen kesempwal mehleh ong irail towe kapw akan. Ansou koaros sewesehkinirail pepehm en me re kak patehng ansou koaros. Rapahki ahl akan me re pahn kak iangki towehda kasukuhl. Kaunopada pein kowe pwe ken wia kasukuhlpen mehleh kan en pwuhk sarawi sang Ngehno oh ni limpoak.

Kasukuhlki Mehleh Kan en Rongamwahuo

Sounkomour ketin padahngki padahk mehleh kan en rongamwahuo. E ketin kawehwehda mwahu keieu en kosoned akan oh tiahk sarawi kan—pwo-son, koaluhla, kasarawi en peptais, oh aliale Ngehni Sarawi. E ketin kasukuhlieki kitail en limpoakpene oh sawaspene. E ketin padahkiheng kitail duwen priesthood, inou sarawi kan, oh tiahk sarawi kan, oh soahng kan me uhdahn kitail en ese, wia oh pahn kodohng Reh. Kitail uhdahn pil pahn wia kasukuhlpen rongamwahuo ni duwen eh sansal nan ire kan en pwuhk sarawi oh mahsen kan en soukohp kan en imwin rahn akan. Soahng kan nan sampah, en aramas madamadau kan en imwin rahn akan. Soahng kan nan sampah, en aramas madamadau kan, oh padahk me kin kohsang ni lemelehk oh uhwongada kin sohte pwung.

Sounkomour ketin padahngki mehleh kan en nan pwuhk sarawi ni ni wiepe mengei. E ketin doadoahngki mahsen me sansal oh wehwe, soai kan, oh karasepe kan sang mour en rahn koaros. Sapwellime padahk kan kin audaudkihda soahng kan me rek oh kin wie-wiawi me aramas pahn kak wehwehki. E ketin padahngki dierekdahn sihpw salongalao, ropirop en mwohni takai, oh perepereniki pwurodohn pwutak ketihwo (tehk Luhk 15).

Sounkomouro kin kalapw ketin doadoahngki iren kan en pwuhk sarawi nan sapwellime padahk. Kaweid ansoun irail kan me ke kasukuhlih en kalapw doadoahngki pwuhk sarawi kan nan kasukuhl. Sewese kawehwehieng tohn sukuhl kan me irail kan me sansal nan pwuhk sarawi kan wia uhdahn aramas kei me pehmehr songosong en kan oh popohl nan arail kin songisong en uhpä Kauno. Idek peidek kan me irail kan me ke kasukuhlih pahn anahne ropada pasapeng sang nan iren pwuhk sarawi. Kangoangehki emen emen en onopiki ni imwe, oh kasalehieng iengerail teiko wiepe me kak elehda onopikio en katapan. Padahkiheng irail wiepen doadoahngki kaweid en onopiki kan me mi nan pwuhk sarawi kan. Kiheng irail mehkot me ren kohla wia ni imwarailko me re pahn repahki nan ire kan nan pwuhk sarawi oh mahsen kan en irail soukohp akan en imwin rahn akan.

Wia Ahmw Kasukuhl Sang ni Ngehno

Sounpadahk kan pahn kim rapahki en mie reh rail Ngehno en Kauno ni ansoun arail kasukuhl. Aramas emen kak padahngki uhdahn mehlelo, oh tohn sukuhl kan kak wia koasoakoa-soaipene kan me mwahu, ahpw ihte ma sohte Ngehno Sarawio ketiket wasao, mepwukat sohte pahn wid mehkör ong pali ngehno. Ni ansou me

Ngehno mie, koaros kin kehlailpe-seng nan arail limpoak ong samatail Koht oh Sises Kraiss, nan arail limpoakpene, oh nan arail inoukihda en wia pwehn momourki rongamwahuo. Me sansal pah iei ekei soahng kan me ke kak wia pwe ken kan lukehieng Ngehno Sarawi nan ahmw kasukuhl:

- Tepkihda kapakap.
- Kasukuhl sang nan sarawi kan oh mahsen kan en soukohp akan en imwin rahn akan.
- Wia ahmw kadehde.
- Ehukiheng mehteikan dahme ke ese oh peki mehteikan ren alasanguhk.
- Doadoahngki koul nan palien doaropwe 14.
- Kasalehda ahmw limpoak ong Kauno oh aramas teikan.

Ma ke kaunopada mwahu pein kowe, Ngehno Sarawi pahn ketin kamarainihuk oh kahluwaiuk nan ahmw kasukuhl. Ke kak alehda pepehm en irail kan me ke sukusukuhlih oh dahme konehng ken kawehwe mwahu nan arail kasukuhl. Ke pil kak alehdi iren madamadau oh pepehm kan me pid wiepe me ke pahn kak wia pwe ken kasukuhlih irail ni idipek. Ahmw ngoang en nannanti kan pahn kekeir-da ni omw pahn aktikitik oh kapwaiada kupwuren Nehno. Ke pahn kakala sewese irail kan me ke kasukuhlih pwe ren aka alehda Ngehno ni kehlail.

Lukehdo Kasukuhl ni Ngoang

Kauno ketin mahsanih, Ko en rapahkihda sang nan pwuhk mwahu kan



en mahsen en kamarain; rahpaki sukuhl, sohte lipilpil ma ni onopiki de pil pwoson (tehk D&C 88:118). Emen emen me towe pwukoahki kamaraineki pein ih duwen mehlelo ni pein ah kak koaros. Pwukoah en sounpдахk men iei en panginiki mehteikan ineng en sukuhl, wehwehki, oh mormourki pwuhk sarawi. Pwe en apwaliala pwuhkoah wet, ke kak kilangete soahng siluh:

1. Kamarainda oh kolpene ineng en irail kan me ke kasukuhlih. Kih ong ni wiepe wet iei pein ahmw inengieng sukuhlki rongamwahuo. Pil ehu iei ahmw doadoahngki wiepen kasukuhl me pahn kahrehda ahmw kasukuhl eh wehwe mwahu, kaperen, oh mengei en tamataman (tehk pali 12–16). Soahng me kak kape-

renda aramas iei me keieu kesempwal ni tepin ansoun kasukuhl. Ni omw kaunop ahmw kasukuhl, rapahki wiepe kan me ke pahn kak lukehkihdo Ngehno, alehdi ahn koaros ineng en towehda sang ni tepkihda mehкот kaperen, oh wiahte poahsoan en padahk de kosoned en tiahk wiawi.

2. Kangoangehkin irail ren iang towehda. Koasoandehdi wiepe kan me kak kiheng koaros en wia mehкот nan ahmw kasukuhl kan. Ke kak peki rehn emen en wadek ehu lepin koasoai de iren pwuhk sarawi de soaia oapwoat soai. Ke kak ndahng irail ren sapeng peidek kan oh koasoia ni saledек audepen kasukuhlo. Ke kak peki emen de ekei irail en koulki oapwoat koul de kesegnki keseng. Ke pil kak sang ni kapakap pilada emen en wia ah kahdehde de koasoiahda dahme e ese oh wehwehki me pil pid oaralap en iren kasukuhlo. Ekei ansou e pahn kesempwal ken mwadang pekihda sawas pwukat pwe irail ko me ahmw pekipek doke ren kak oh pereniki wia.

Ire kesempwal nan en emen sounpдахk padahk iei kesempwalpen wadek Pwuhk en Mormon. E lukehieng seri kan en nan ah kasukuhlo ren tamanda ehu wasa nan iren pwuhk sarawi me wekidalahr arail mour kan. Ih eri pil peki rehn rehn silimen de pahmen me inengieng ren kesihnen-

da oh ehukiheng ire kan iengerail teikan oh ren kawehwe ia duwen ire kan eh sewese wekidala arail mour kan. Ni emen emen irail eh kasalehda pepehm mwahu kan me pid manaman en Pwuken Mormon, tohn sukuhl koaros kin ahnikida ineng en wadek oh medemedewe ire kan nan pwuhk sarawi rahn koaros.

Ekei aramas sohte kin men wia mehkot. Ke dehpä peki emen emen irail en wadek laud de kapakap lao ke pehm me re inengieng wia. Ma sohte ahmw koapwoaroapwoar me mie reh rail me inengieng patehng, idek ihs me inengieng wia ah ke dehr eker emen me ele sohte inengieng wia. Pali laud en tohn sukuhl kan pahn mwadangete alehda ineng en patehng ma re kilang me irail ko me wiahier mehkot mie wahu oh karakarahk kohieng irail.

3. Sewese irail en doadoahngki dahme re kin sukuhlki. Ke pil uhdahn pahn sewese irail ren doadoahngki dah audepen kasukuhl ong soahng kan nan arail mour kan. Met kak pil pid kiheng irail dahme ren pwurala wiahda ni imwarail kan oh dahnge me re loiengehr me sewese kiheng irail soahng kan me re sukuhlkiher me pid da me pwung me kasukuhlpe wiawier. Tamataman me sukuhlki rongamwahuo sohte pahn katepe lao e poahsoankihda momourki rongamwahuo.

Kaounopada Wasahn Kasukuhl Soanamwahu

Wasa me keieu mwahu ong sukuhlki pwuhk sarawi iei wasa kis me emen emen me towe kan pil kesempwaliki en iengerail teikan nan pwihno arail sukuhl. Ineng en esehla mehkot kin laudala ma sounpadahk kan oh tohn sukuhl kan poakpene oh sawaspene pwe ren wehwehki oh momourki pwuhk sarawi. Ni ansou me kowe oh irail ko me ke kasukuhlih sawaskipene wasahn sukuhl en onepek mwahu, kerempwe kan sohte pahn kak pwarada. Ke uhdahn pahn wia uwen omw kak koaros en wiahda soangen wasahn kasukuhl due mwo oh sewesehki irail kan me ke kin sukuhlih en esehla wiepen arail pahn sawas.

Me pahn sansal pah iei soahng me ke kak wia pwe ken sewese kaounopada wasahn kasukuhl:



- Pwarodo mwadang oh wa soahng en dipwisou en kasukuhl kan me mie anahnepe.
- Tehk mwahu pwe perehn sukuhlo en mwakelekel, soan, kansenamwahu, oh saledek sang soahng kan me kedirepw ni uwen me konehng.
- Tepda oh keimwisakala ni ansou ke kileledi.
- Rahnmwahuiah oh kasamwo emen emen tohn sukuhl kan, ma kak.
- Wia mehkan me kak lukehdo Ngehno oh kairada wahupene oh aktikitik.
- Poakehng tohn sukuhl kan oh sewese pwe ren ahniki nsenamwahu ni arail petehng mehkan.
- Idek peidek kan me kak sewese tohn sukuhl kan pwe ren sohpeilahngete audepen kasukuhl.
- Kangoangehki irail en kin rong emen emen ni wahu oh wehwe.
- Tehk mwahu koasoai kan me kak kauwehla oh kaluwetehla kadehde kan de pil kapweiakala Ngehno.

Mendahte ma pil mwurin ahmw wiahier mehkoaros me ke kak pwehn wiahda ehu wasahn kasukuhl me soana mwahu, ke pahn sansal pah

pahn kak seweseiuk kamwahwiala mehkan me ke kin songen wia oh apwal teikan me kin kalapw wiawi:

- Ma mie kedirepw pwarada, ke dehr mahs koasoai lao koaros meleileidi. Mwuri ah kahpw pwurehng doula nan ahmw kasukuhl.
- Ma ekei irail wie koasoakoasoai nan ansou en kasukuhl, katohreiraila oh koasoaieng irail mwurin sukuhl oh idek rehtrail dahme kowe oh irail kak wia me pahn sewese sukuhl en pweida.
- Ma emen kin kelehpwkihla koasoai nan ansoun kasukuhl, dokehki peidek kan tohn sukuhl teikan de peki ni karakarahk me ke men uhd rongasang irail teiko me saik wia mehkot.
- Ma tohn sukuhl kan kihda kaweid me kak katangahla koasoakoasoai-pene likin iren kasukuhl, pohnese irail ahpw kapwurehla koasoakoasoai-pene ong nan iren kasukuhl.

Mwekid me kak kerempwahla kasukuhl pahn tikitikla ni omw pahn ropada dahme irail koaros nan pwihno en pehm me mie limpoak oh me re pil kesempwal oh pweida mehlel ni arail towehda.

Doadoahngki Wiepen Kasukuhl Kan Me Wekiwekin



Mie soahng tohto ke kak wia pwe ahmw kasukuhl en kaperen oh sewese tohn sukuhl kan ren esehla mehleh kan en rongamwahuo. Ekei kaweid kan sansal pah:

Doadoahngki Soai oh Karasaras Kan

Soai oh karasaras akan kin panginda oh kolokol ineng en aramas eman en men patehng oh kasalehda duwen padahngklan en rongamwahuo eh doadoahk nan mour en ehu ehu rahn.

Ke pahn diar koasoai kaselel tohto nan pwuhk sarawi kan oh nan nein sounpadahk pwuhk. Mwohn omw pahn padahk, onopiki ehu ehu koa-

soai me ke pilahne doadoahngki. Sohngada koasoia ni duwen ahmw kin lokaia. Noumw pwihno pahn rong mwahu ma ke soaia koasoia ni duwn ahmw kin lokaia, ah kaidehn ken wadek. Pil ehu, seri tikitik kan kin pereniki kamwomwehda soai ni mwekid.

Emen sounpadahk en Primary ka-lapw tapiekihda ah kasukuhl soai me sang nan pwuhk sarawi. Karasepe, ansou me ah kasukuhlo pid kadek, e soaiahda duwen mehn Samehria mwahuo. Seri kan kak kilang nan moangerail kan ohl me aramas akan pirapao oh ohl akan me pirekeklah-sang oh mwadang kohkohlahsang

wasao. Re kapingki uwen kadek oh lamalam mwahu en mehn Samehria me apwaliada ohl ohlao. Seri ko ahpw kin kasikasikehr soangen koasoai pwukat. Sounpadahko esehla doadoahngki ngileo oh mwohmw kan me kak kol en nah tohn sukuhl kan meleilei. Tohn sukuhl ko wehwehkihla mwahu oh perenkihla ire kan nan pwuhk sarawi kan.

Doadoahngki Kilel oh Dipwisou

Soukomouro kin kalapw doadoahngki kisin dipwisou mengei kan ni Eh kin ketin padahk. E kin ketin doadoahngki dihpw me pilawa kin wia-wihsang whid, pihk, takai kan, oh soahng kan me aramas ese pwe en sewese irail en wehwehki dahme E ketin kasukasukuhlki. Karasepe, E ketin karasahieng wein Koht nekinek kesempwal en kohl oh silper ape me ohl emen pahn netkihla mehkoaros me ah pwe en kak alehkihdi (tehk Matthew 13:44).



Kilengseli. Soangen kipwisou meng-ei da me ke kak doadoahngki me kak sewese tohn sukuhl kan pwe ren wehwehki mwahu padahk en rongka mwahu?

Ke pahn ele men doadoahngki mahlen mengei kan oh kilel kan mehn kawehwe mwahu paddahngkan nan pwuhk sarawi. Kaselehda ehu kilel sang nan Gospel Art Picture Kit ni omw soaia ehu soai en nan pwuhk sarawi. Mahleniedi kilel mengei kan nan plalkpwohto de nan kisin doaropwe pwe en wia ehu soai me kaperen mehlel.

Emen sounpadahk ahpw wia ah kasukuhl me pid sapwellimen Sises karasaras en wihd me kin wiahda pilawa oh kisin dihpw me sohte anahnepe kan. Tohn sukuhl ko mihmi nan ehu wasahn mwetwel, sounpadahko eri ese me re pahn wehwehki me kisin dihpw pwulopwul ko me kin wiahda pilawa kak ohla ma dihpw suwed ko pahn mwadang kolsang. Sounpadahko kaunopada kisin kepen wihd kei me dole dihpw suwed. Ih eri wiahki mehn kasansal en mwuten dihpw pwukat lao lel kasukuhlo eh imwisekla.

Pil eman sounpadahk ahpw kangoangehki tohn sukuhl kan ren medewehda mehkot me re pahn kak karasahieng koluhla. Emen irail ahpw koasoia me koaluhla duwehte sohpw, me kak kamwakeleikitailda sang nan dipatail kan.

Doadoahngki Koul

Koul wia wiepe kaselel mehn lukehdo Ngehn en Kauno ong nan ahmw kasukuhl kan. Koul kin sewese kitail en kasalehda atail pepehm kan me apwal kitail en kawehwehda ni lokaia.



Koul en sarawi kan kin padahngki padahk kosonneds tohto en rongamwahuo oh kak doadoahk kerenieng nan soangen kasukuhl koaros. Ke kak lukehdo emen aramas, pwihn ehu, de ehu peneinei unsek de noumw tohn sukuhl kan ren kouki oapwoat koul en sarawi me pwungieng padahko. Ke pil kak wadek laud lepin mahsen kan en oapwoat koul en sarawi ni ansou me emen padik keseng. De ke pil kak padikehng koul en sarawi ni eh miher nan deip.

Emen sounpadahk ahpw kaunopada ah kasukuhl me pid doadoahk en sawas. E eri pilada koul en sarawi pwoat me utung oaralap. Nan ansoun kasukuhlo, e ahpw lukehdo emen syster me wadek lepin mahsen kan en

koul en sarawio ni ansou me emen tohn sukuhl tohrohr wia ingitik en koulo. Sounpadahko peki rehn tohn sukuhl ko ren ni meleilei medewe lepin lokaia ko ni eh wadawad. Koul wet sewese tohn sukuhl ko pehm laud kesempwalpen doadoahk en sawas.

Idek Peidek Kan Me Kak Elehda Madamadau Keneinei oh Kaweidada Koasoakoasoaipene



Kin idek peidek konehng kan pahn kairada madamadau laud oh koasoakoasoaipene nan ahmw kasukuhl. Peidek oh koasoakoasoaipene kan kin sawas ni soahng tohto. Wiepe pwukat kin sewese tohn sukuhl kan ren karonge nan ansoun kasukuhl. Ke kak diarkihda ma tohn sukuhl kan wehwehki kasukuhlo. Irail tohn sukuhl kan kak sukuhlih emen emen ni arail sapeng oh koasoia peidek kan. Irail tohn sukuhl kan kak esehla wiepen arail pahn doadoahngki padahngkan

en rongamwahuo nan pein arail mour kan.

Ni omw kaunop padahk kan, medewehda soangen peidek da me ke pahñ idek. Kaweid kan me sansal pah kak seweseiuk.

- Idek peidek kin me kak sewese tohn sukuhl kan pwe ren medewe padahngkan en rongamwaho oh duwen eh kin doadoahk nan arail mour. Peidek kan me kak kaweidada madamadau kin kalapw tepkihda “dah me kahrehda?” de “ia wiepen?” Ke uhdahn pahñ pohnsehse peidek kan me pasapengo koasoaiia “ehng” de “soh” de me lepin lokaia ehute sapeng.

Karasepe, nan kasukuhl me dokedoke atail mour kan oh Sounkomour, ke kak idek peidek kan me due mewukat:

“Ia wehwehn poadada pohn takai en Kraiis?”

“Poahsoanda likin takai en Kraiis me aramas kin ekei ansou poadokada arail mour kan powe?”

“Ia duwen omw alehdi kapai ni omw poadokada ahmw mour pohn takai en Kraiis?”

- Idek peidek kan me kin kangoange tohn sukuhl kan ren ehukupene pein arail iren pepehm kan oh dahme re wehwehkiher. Karasepe:

“Da me kahrehda Kauno mahsanieki kitail en poadidieng kapakap?”

“Ia duwen Eh ketin sapeng ahmw kapakap akan?”

- Idek peidek kan me kin sewese tohn sukuhl kan ren dwadoahngki padahngkan en rongamwahuo nan arail mour kan. Karasepe:

“Ia duwen atail pahñ kak kaunopada mwahu pein kitail pwe kitail en alehdi pasapeng ong atail kapakap akan?”

“Ia duwen omw kak wehwehki me Sises Kraiis iei Sounkomour en sampah?”

“Ia duwen omw pahñ kak kakehlahla ahmw kahdehde me Joseph Smith wia soukohp en Koht?”

Ma emen idek rehmw ehū peidek me ke sohte kak sapeng, peki rehn tohn sukuhl kan en seweseiuk oh sapengala, de ndahng aramaso me ke pahñ rapahkihda pasapengpe mwuhr.

Ke dehpa nsonohki ma tohn sukuhl kan sohte koasoaiia mehkot mwurin omw idek mehkot. Re kin anahne en mie arail ansou en medewe pasapeng kan. Ahpw, ma re sohte mwomwen wehwehki peideko, ke pahñ anahne pwurehng kapwurehieng peideko. Ni ansou ke idek rehn emen ehū peidek, e kin sawas laud ken nda mahs edeo ah mwuri wia peideko.

Keimwsekla, kanaiehng pwe ke de mwadangele kimwsangkihla ehu koasoakoasoaipene mwahu ni omw men kanekehla mehkoaros me ke kaunopada. Me keieu kesempwal iei irail me towe kan en pehm lipwen Ngehno, kalaudehla arail wehwehki rongamwahu, esehla doadoahngki padahngkan en rongamwahuo nan arail mour kan, oh kakehlakahla arail loaloapwoatieng momourki rongamwahuo.

Lukehdo Arama Kesempwal Kan

Ke pil pahn anahne lukehdo aramas me kesempwal en pwarek ahmw kasukuhl. Ke kak peki rehn emen tohn Mwomwohdiso me waun en koasoai mehкот, koasoaiha oapwoat soai de wia kadehde. Mwadang kehsehki aramas menet ia uwen ansou me en sawaski. Ale mweimwei sang ahmw pi-sop de prans president mwohn omw lukehdo aramas me ah wasahn kousoan mi likinahmw ward de prans.


Emen president en elders kworem ahpw lukehla emen irail en kohla oh

koasoiahieng elder teiko duwen wiepen kan me konehng wiawi pwe audepen arail padahk en peneipenei kan en kaperen ong seri kan me re kin pwarek. Irail elder ko sohte wehwehkihlahte da me kapw me pid anahnen seri kan e ian wia mehko nan ansou kan en pas oh wia padahk ni ihmw, ahpw re pil esehla kaweid tohto me pid duwen sewese seri kan pwe ren kak iang patehng.

Doadoahngki Mwekid Tohto

Wiepe mengei kan me pidada audepen kasukuhlo kak sewese tohn sukuhl kan, mehlel ong seri kan oh me pwulopwul, ren esehla padahngkan en rongamwahuo. Soangen mwekid pwukat uhdahn anahne pwungieng kasukuhlpen rongamwahuo. Me tohto pwuhk en kasukuhl me wiawihda ni Mwomwohdiso me audaudki kaweid kan me ong soangen mwekid en kasukuhl tohto.

Kaunopada Ahmw Padahk



E kesempwal padahk kan me ke kin wiahki kasukuhl en kaunopda ni kaneinei pwe ken kak padahngki padahngkan en rongamwahuo ni idipek. Kaweid kan me sansal pah pahpahn seweseiuk kaunopada.

- Ehu nein sounpadahk pwuken kaweid me Mwomwohdiso ntingiadahngkan ong pwihn me ke nainiki
- Koapi kan en pwuhk sarawi kan me ong tohn sukuhl kan

Kedierekda Sawasepen Kasukuhl Kan Kin Kohsangie

Mwomwohdiso kaunopadahr mwahu dipwisou en kasukuhl kan me aledier kamanaman oh poahsoankihda pwuhk sarawi klan oh en soukohp kan en imwin rahn akan padahk kan. Idek rehn ahmw kaun en priesthood de aukseleri ma dipwisou pwukat mie pwe ken doadoahngki:



- Makasih en Mwomwohdiso me audaudki en soukohp kan en imwin akan padahk kan
- Dipwisou mehn sewese kasukuhlpen pwuhk sarawi kan ni mahsen en Pohnpei
- Kepen kilel me ede Gospel Art Picture Kit, me uhdahn pahn mie nan amwail wasahn nahk pwuhk en wasahn mihting

Kilang audepen dipwisou kan me mie pwe ken kak koasoanehdi wiepen ahmw pahn doadoahngki nan ahmw kasukuhl. Ke sohte anahne koasokoa-sok en dipwisou tohto pwe ken wia sounpadahk idipek men. Kraiss ketin wia padahk tohto nan wasa kan me dipwisou en sewese padahk sohte rek oh mwahu. Da me keieu kesempwal nan ahmw kasukuhl iei Ngehno. Doadoahngki dipwisou kan me mie ni pwung oh iangahki kaweid en Ngehno iei me kin keieu kairada laud en kak wehwehkihla rongamwahuo.

Kaunopada Mwadang

Kaunopada mwadang ahmw kasukuhl. E kin wia sawas mwahu emen en onopiki audepen iren kasukuhl wihk kei mwohn padahngki audepe kan. Met kak kihenguhk ahmw ansou en medewe oh kapakapki iren kasukuhl kan oh kaunopada mwahu.

Tengediengete Kahrepen Padahk

Padahk ehu me ke pahn wia uhdahn pahn kin mie kahrepe ehu. Karasepe, kahrepen kasukuhl me pid kaisihsol kak sewesehki tohn sukuhl kan ren wehwehki kapai me kin kohsang ni kaisihsol de kesempwalpen kaisihsol ong kahrepe tohrohr ni Rahnsarawi en kaisihsol. Kasalada kan oh koasoa-koasoaipene nan kasukuhlo uhdahn pahn dokehte kahrepeo.

En kak koasoanehdi ia kahrepen ehu padahk, onopiki dipwisou en kasukuhl oh iangahki pwuhk sarawi kan me patehng kan. Peki rehn Kauno en ketin seweseiuk pwe ken kak wehwehki ire kan me keieu kesempwal sang nan padahko me ong irail ko me ke kasukuhlih. Idek rehmw, "Da me pahn pweida nan mour en irail kan me I kin kasukuhlih me wia wahn kasukuhl wet?" Padahk tohto nan pwuhk en kasukuhl kan me wiawihda nan Mwomwohdiso me mie ire kan me pid kahrepe. Ire pwukat kak seweseiuk pwe ken kak diarada ia duwen ehu padahk eh pahn katapen ong irail kan me ke kin kasukuhlih.

Koasoanehdi Da Me Ke Pahn Padahngki

Mwurin omw koasoanedier kahrepen ahmw padahko, medewehda padahk

kan me konehng kasakuhlpe en wia-wi pwe kahrepewo en pweida. Pali laud en pwuhk kan pid iren pwuhk sarawi, soai, oh kaweid kan me kak sewese omw pahn wia ahmw kasukuhlo. Ahpw e kin kalapw ehu padahk ah dipwisou kan kin tohto sang uwen me ke kak wiahki kasukuhl nan erein ansou me koghienguhk. Soangen ansou pwuko, ke uhdahn pahn pilada dipwisou me pahn keieu wia sawas laud ong irail kan me ke kasukuhlih. Idek rehmr, "Mehnia poahsoan en padahk kan oh kosonned akan nan padahk wet pahn sewese tohn sukuhl kan ong kahpwal akan me re lellohng ansouet?"

Ma ke anahne dipwisou me sohte san-sal nan pwuhk en kasukuhl de nan pwuhk sarawi kan, uhd doadoahngki soai oh koasoai kan me sang Padahk kan en Presidency Keieu, Padahk en Pas kan, oh makasihn en mwomwohdiso, ahpw iren kepehse me pid tiepe-ne lap me keieu mwahu.

Ni omw koasoanehdi da ke pahn kasukuhlki:

- Onopiki audepen ahmw kasukuhl sang ni kapakap.
- Kairakidi ni nting soahng kesempwal en poahsoan en padahk kan oh kosonned akan me mie nan padahko.

- Ansou koaros tamataman irail kan me ke kasukuhlih, anahn akan oh duwen irail.

- Idawehn kaweid en Ngehno.

E pahn kin keieu mwahu en kin wiahte ehu de riau poahsoan en padahngkan kan.

Pilada Mwomwen Ahmw Pahn Kasukuhl

Mwurin ahmw pilada dahme ke pahn kasukuhliki, ke udahn pahn pilada a mwomwen ahmw ahmw pahn piri-kihwei. Onopiki mehn kasukuhlo oh medewehda ahl akan me keieu mwahu en pahkihda ong seri kan. Wiepe kan me ke doadoahngki pahn kin sewese seri kan en wehwehkihla oh doadoahngki dahme ke padahngki

Onopiki ni keneinei iren pwuhk sarawi kan, soai kan, iren kaweid kan me koasoaipe kan wiawihier nan padahngkan oh pil nan pwuhk sarawi teikan me pahn seweseiuk kasukuhliki pwihno poahsoan en padahko oh kosonnedo. Kaunopada pwehn sewese tohn pwihno en wehwehkihla duwen iren pwuhk sarawi kan kin doadoahk nan arail mour (tehk 1 Nephi 19:23).

Pil tehk duwen doadoahngki soai kan oh karasepe kan sang nan pein ahmw mour oh mouren en noumw pwihn en. Ni karasepe, emen pwutak me

mahkier sounpar eisek samwa solahr simwok mwurin kasukuhl ehu nan pwi hn en priesthood me pid Mahsen en Erepit me sounpadahko kawehwe-dahr dahme rie pwutako lellohngehr pwehn powehdi tiahko me e ahnlahr wia. Karasepe wet kasaledahr aramas emen me kin simwok kak kawikala ih sang ni tiah ngkan me e kin ahnla wia. Sang ni eh wie rongorong soai wet me seweseier pwutak menet me iang tohn pwi hn en kak kawikala pein ah mour.

Ong ni iren kaweid ong ni duwen wiepe kan me pahn seweseiuk pah-kihda padahko, tehk pali en doaropwe 12–16) en puuken kaweid wet.

Koasoanehdi Mehn Kairala

Sounkomouro kin kalapw ketin oaralape dahme E kin ketin padahngki oh kangoangehki aramas ren doadoahngki nan arail mour (tehk karasaras en ohl en Sameria mwahuo, Luk 10:30–37). Ni kerenlahng imwin ehu padahk, ke uhdahn pahn kapwure-

hieng oh oaralape dah kan me kasukuhlpe wiawiher. Kihda kaweidpen wiepe kan me tohn sukuhl kan en doadoahngki poahsoan en padahngkan oh kosonned akan en rongamwahuo, oh peki irail ren pil kihda ekei kaweid. Kangoangehki irail en song ehu rehn kaweid pwukat nan wi hk pahn wadodoht. Nan padahk en mwuhr kan, ke pahn ele anahne idek reh rail da me re wehwehkiher sang soahng kan me re songehr wia.

Tohn sukuhl kei me towe en emen sounpadahk kasukuhl ahpw lukohng ren kasale doadoahk en sawas me re miniminkipene nan ehu ehu rahn erein wi hk ehu. Ni tepidahn ansou en sukuhl en mwurio, sounpadahko ahpw peki reh rail ren wia kasalada mwotomwot. Ekei tohn sukuhl ko pereniki oh koasoiaihda dah me re diaradahr oh peren re alehdier sang arail piserieng doadoahngki wiepen kasukuhl wet. Kasapahl mwahu me sansal sang rehn tohn sukuhl pwukat kiheng irail teiko ineng laud en men patehng.

Wehwehkihla Irail Kan Me Ke Kasukuhlih



E kesempwal wehwehkihla irail kan me ke kasukuhlih. Tehk mwahu duwen itar en emen emen irail oh uwen me e wehwehki. Irail kan me arail sounpar wekipeseng ahniki anahn me pil wekpeseng oh wiepen arail kin esehla mehkot pil wekpeseng.

Seri kan


Seri kan kin kekeirda ni paliwar, mour, lamalam, oh pali ngehn. Ni omw kaunop ahmw padahk, tamataman en emen emen seri kan koahiek, kak, oh anahn akan.

Seri kan kin perenki mehkol me weki-wekin. Doadoahngki soai mwoto-mwot, kisin mwadong mengei, kilel,

padahngki dipwsou ong karasaras oh koul kan pwe ren kin peren.

Seri kan kapwehng kasukuhlpn duwen ehupene, kadek, oh kanengama. Sewese irail en kak powehdi soahng kan me kak kerempwahla pweida en ehu ehu soangen wiewia kan me san-salehr powe ni ahmw pahn kataman-kihng irail karasepe mwhau me sang Sises oh kangoangehkin irail en kahl-mengi Ih.

Mie koapwoaropwor oh likilik rehn seri kan. Irail pahn kamehlele dahme ke pahn kasukuhliekinirail. Irail pil pahn kasawih oh idawehn ahmw mwekid.



Me Pwulopwul Kan

Nan irair en dih en seri oh aramas laud kin ekei ansou apwal oh doa-doahk laud. Tohn suakuhl kan ele ahniki pwukoah tohto nan arail peneinei kan, nan sukuhl, oh nan doa-doahk. Kaweid kan me mie pahn ele kak sewesehkinuhk dahme ke pahn kak kiheng irail me pwulopwul akan.

Kaunopada ehu ehu padahk me pahrekieng dih en arail mour kan. Sewese irail pwe ren kak wehwehki duwen rongamwahuo eh kak sapengala arail peidek kan oh sewesehkinirail arail anahn akan.

Aramas pwulopwul kin kak ahnek loaloaid oh apwal en kapereniada.

Sewese emen emen irail pwe ren kak wiahla kisehn noumw pwhin en me kesempwal. Wiahla kisehn ehu pwhin sang ni koasoandi ken en rongamwahuo kin kakehlahla pali ngehn en me pwulopwul kan oh kolehng arail mour mwakelekel.

Kasalehda me ke wahuneki arail madamadau kan. Kangoangehkinirail ren patehng kasukuhl oh pil ehukihenguhk oh iengerail teikan arail pepehm akan.

Aramas Laud

Irail tohn sukuhl mah kan ahniki sounpar me wekpeseng oh pil arail marain oh koahiek pil wekpeseng. Tehk oh doadoahngki wekpeseng

pwukat mehn wia kakehlepen ahmw
kasukuhl. Kahngoanehki tohn sukuhl
kan en ehukihenguhk dahnge kan me
re audaudkiher. Doadoahngki koa-
hiek kan me mie rehrail.

Kasukuhliekinirail mehlel en rong-
mwahuo ni wiepe me mengei. Ngehn
Sarawi pahn sewese emen emen irail
en wehwehkihla oh doadoahngki
mehlel pwukat nan arail mour kan.

Isepen Kasukuhl



Ni omw wia emen sounpadahk, ke kak pehmada kaperen me kin pwildohsang sawas me kin kowehng mehteikan pwe ren keirda nan arail esehla rongamwahuo. Ahmw ngoang oh doadoahk pwung oh mehlel en wia kasukuhlpen rongamwahuo pahn sewese mehteikan oh kairada kadehde kehlaile en Sounkomour oh momourki kosonned akan.

Mie sounpadahk en Santi Sukuhl men ahpw pwunodikihda eh mie me tohto nan pwungen tohn sukuhl ko me pil samani wiepen kasukuhl me sikisang ih. E ahpw medemedewehier ma kaidehn wiepen ah kasukuhl me pahn kahrehda. Eri ehu Rahnsarawio emen tohn sukuhl me lih ahpw ale sounpa-

dahko oh ira ekis tohrohrla. Lihoh eri koasoia me pwehki ah pwoudo pehmada Ngehno nan perehn kasukhl, ansouet e loaloapwoatiengehr kihpene arail kisin peneinei ong kapakap en peneinei rahn koaros. En liho pwoudo pil mehlelongehr ah kaunop en pwarek temple pwe en kak katengetengdieng tohn ah peneinei. Lih tohn sukuhl menet kasalehda ah limpoak oh perenkihda mehlel uwen kak kan koaros me sounpadahk menet wiahier oh lukehieng Ngehno nan arail kasukuhl. En sounpadahko mohngiongo ahpw marahrahda, oh ih ahpw wehwehkihla mehlel en kahrepen kasukuhl oh isais me kin mie ong kasukuhl.

Ni omw wia kasukuhl, kapai pahn ki-
peiukedi oh pil noumw tohn sukuhl
kan. Pein ahmw wehwehki rong-
mwahuo oh ahmw Sounkomour pahn
kehlaila ni omw pahn onopiki, kau-
nop, oh wia kasukuhlpen pwuhk sa-
rawi. Ke pahn pehm ahmw limpoak
ong mehteikan eh lalaudla. Ke pahn

pehm keirahn Ngehno nan ahmw
mour ni omw pahn wie momouriki
audepen ahmw mehn kasukuhl ni ka-
rakahk oh ngoang. Ahmw mour
pahn kekeirada sang ni doadoahk en
papah me ke wiahier nin duwen
sounpadahk men.

Apwahpwahli Kamwahulahn Sounpadahk kan nan Prans



Prans Presidensi kin pwukoahki irail en padapadahk nan pranso.

Pwukoah kan en Sounkaoasoane Kamwahulahn Sounpadahk kan.

Ni en tohn prans kin tohtohla, emen tohn prans presidensi kihla malipilip oh kasarawiala sounkaoasoane kamwahulahn sounpadahk kan pwehn apwahpwahli kamwahulahn sounpadahk kan. Sounkaoasoane pah kin kak ohl emen de lih emen. Ohlo de liho pah wia emen tohn prans kounsel oh wia duwen mehn sawas ong sounkaweid kan oh sounpadahk kan en priesthood oh Akseleri kan nan arail kin nantihong irail en kamwa-

huilala padahngki rongamwahuo. Sounkaoasoane meiet kin sewese sounkaweid kan pilahn oh katanga mihting kan en kamwahulahn sounpadahk kan oh ma e kileliong en wia, e pah padahk sang nan padahngki kasukuhl en rongamwahuo.

En Sounkaweid Utuhn ong Sounpadahk kan.

Sounkaweid kan en priesthood oh akseleri kin pwukoahki irail en sounpadahki rongamwahuo nan arail pwihn kan. Irail pah wiahda mwomwen wia kasukuhl mwahu oh swese sounpadahk kan, wehwehkihla kesempwal en arail malipilip akan. Irail pah kihla kalahngan, sawas, oh

kangonge sounpadahk kak me re kin papah. Kaselel en wie kasukuhl nan Mwomwohdiso pahn kamwahula ni en sounkaweid kan kin kihla ngenohki utung oh ngoang ong sounpadahk kan en nan arail pwihn akan.

Miting kan en Kamwahulahn Dounpadahk kan

Emen emen sounkaweid kan oh sounpadahk kan en priesthood oh akseleri kan en kin iang towe mihting en kamwahulahn sounpadahk me kin wiawi pahn pak ehu nan sounpwong siluh koaros en sukuhliki kosonned akan, wiepe kan, oh talent kan pwehn kamwahuriala wie kasakuhl oh esehla. Sounkoasoane kamwahulahn sounpadahk kan me kaweid ni koasoanehdi ansou oh pilahne mihting en kamwahulahn sounpadahk kan ni tuhkihong sounkaweid akan en priesthood oh akseleri kan. Mihting kan pahn kin wiawi ni ansou kan me mwahu on sounpadahk kan ahpw e sohte pahn kauwe mihting kan me kin koasoandi pahn sarawi. Nin duweo, mihting kan sohte pahn dauliala awa ehu.

Mihting en Kamwahulahn Sounpadahk kan pahn kin iangahki:

- Padahk oaralap ehu sang ni emen tohn prans presidensi de emen kaun en priesthood de akseleri duwen ehu kosonned en padahk oh kasukuhl.

- Ehu kasalada en ehu wiepen kasukuhl de talent sang emen sounkaweid en priesthood de akseleri de emen dounpadahk.
- Ansou ong sounpadahk kan oh sounkaweid kan en ehukihpene madamadau kan oh koasoia ahl akan en sewese tohn ehu pwihn en kasukuhl akan.

Ni nempehr sounpadahk kan oh sounkaweid kan tohtohla nan prans, ehu mihting en kamwahulahn sounpadahk kan en wiawi ni sounpwong siluh koaros ong:

- Sounpadahk oh sounkaweid kan en towe kan me sounpar 18 de mahsang.
- Sounpadahk oh sounkaweid kan en towe kan me sounpar 12 lel 17.
- Sounpadahk oh sounkaweid kan en Praimari.

Mihting pwukat mwahu ong en koasoandi pwe ehu en kin wiawi ehu sounpwoang

Kasukuhl en wie Kasukuhl en Rongamwahuo

Kasukuhl en wie kasukuhl en rongamwahuo kin kihda poahsoan en sewese towe kan en wiahla sounpadahk mwahu kan en rongamwahuo nan imwarail akan oh nan mihting kan en Mwomwohdiso. Ehu koasoandi en kasukuhlo e mihmi ni palien doaro-

pwe 29–31 en pwuken kaweid wet.
Sounkoasoane kamwahulahn sounpa-
dahk kan pahh kin wie kasukuhli ka-
sukuhlo ihte ma prans presidensio
kihla malipilip rehu emen tohn pran-
so en wie kasukuhli.

Prans presidensi en kin luke towe kan
en alehda kasukuhl wet. Nin duweo,
sohte tohto sang towe me ehk en mih
nan kasukuhlo ni ansou tehkis,
pwehn mweidohng emen emen en
kin loalepwoat iand wia mehkoaros.

Pilahn en Padahk en Kasukuhlpen Pwuhk Sarawi

Audepen kasukuhlpen rongamwahuo kin kiheng tohn mwomwohdiso kan ansou mwahu en wehwehkihla wiepen wiahla sounpadahk mwahu. Sounpadahk en kasukuhlo me wia sounkaweid en kakoahiekiala sounpadahk de emen sounpadahk koahiek me pilipilda sang prans president. Kasukluhl wet kak wiawi nan ansoun Santi Sukuhl de ehu anso me konehng. Ma kasukuhl wiawiheng irail kaun kan oh sounpadahk sang ehu pwihn, e kak wia kisehn arail tiepene lap kan me kin wiewiawi. Ma doh en wasa oh kahpwal en soh itar en wasahn doadoahk wia kerempwa ehu ong koasoandi en idawehn pwung en Santi Sukuhl de ansou sohte lipilipil, ah onop ni ihmw oh ekeite tuhpenen en kasukuhl (ehute tiepene kanekhehla kasukuhl kei) kak wiawi.

Iren kaweid kan me ong ehu ehu kasukuhl sansal nan pwuhk en kaweid wet. Ni ansou me sounpadahk pahn kaunopada wiepen ehu kasukuhl, e uhdahn anahne doadoahngki kaweid kan me mi nan pali me ketihtihki "Doadoahngki Wiepen Kasukuhl Kan Me Wekiwekin." Ni imwin ehu ehu kasukuhl, sounpadahko anahne kangongehki tohn sukuhl kan ren tepida doadoahngki dah me re sukuhlki rahno, nan perehn sukuhl ni Ihmw Sarawio de nan en peneinei tuhpenen ni imwarail. Met pahn inenen kairada arail pwukoah en sounpadahk. Ihte ni duwen eh sandalehr, kasukuhl wet pahn wiewiawihki erein ansou ehu

me sohte mwotomwotsang wihk walu ni duwen koasoandi me sansal pah. Kaweid kan me sansal pah mie ongete sounpadahk en kasukuhl wet.

Wihk 1

Kiheng emen emen tohn sukuhl kan ehu pwuhk en kaweid, oh pwurehng dousapahliah audepe kan. Wia kasukuhl wet ni omw idawehn irekdi en ire kan me sansal nan Mehn Kepehse me mi ni tepin pwuhk wet oh pali me ketihtihki "Kaunopada Pali Ngenimw." Kawehweh mwahu kesempwalpen kasarawiala oh momourki rongamwahuo pwe ken kan alehdi Ngehn Sarawi.

Wihk 2

Ahmw kasukuhl en pidete "Poakehng Irail Kan Me Ke Kasukuhlih," me mi nan pali me ketihtihki "Wia Ahmw Kasukuhl Duehte Sapwellimen Sises Kasukuhl." Pil tehk mwomwen dake en sounpar kan me mi palien doaropwe 21–23 en pwuhk en kaweid. Peki rehn tohn sukuhl kan ren koasoiahda dahme re ese me pid duwen arail wehwehki de sewese peneinei kan oh tohn sukuhl kan ni limpoak eh mie kasalepen pweida. Ke pil ele pahn ahahne koasoia duwen sounpadahk kan arail kak engewehi oh sewesehki emen emen towe kan nin duwen ah anahn akan, ahpw mehlel irail ko me ahpwtehn pepdaisla, oh irail ko me ahniki kahpwal en paliwar.

Wihk 3

Ahmw kasukuhl en pidete “Kasukuhlki Padahk Mehlel Kan en Rongamwahuo,” me mi nan pali me ketihtihki “Wia Ahmw Kasukuhl Duwehte Sapwellimen Sises Kasukuhl.” Kawehwe mwahu ke-sempwal en kasukuhlpen poahsoan en padahk ni pwoson, wehweh, oh mengei, ni omw doadoahngki pwuhk sarawi kan nan kasukuhl, oh wiahda wiepen en emen emen onopiki en pwuhk sarawi.

Wihk 4

Ahmw kasukuhl en pidete “Wia Ahmw Kasukuhl en Sang Ngehno,” me mi nan pali me ketihtihki “Wia Ahmw Kasukuhl Duwehte Sapwellimen Sises Kasukuhl.” Sewese tohn sukuhl kan ren pehm ngoang en me re kak alehdi Ngehno nan arail kasukuhl. Sewese irail pwe ren kan wehwehkihla oh idawehn Ngehno.

Wihk 5

Ahmw kasukuhl en pidete “Alehda Kasuhkuhl Mehlel oh Unsek,” me mi nan pali me oaralapeo ketihtihki “Wia Ahmw Kasukuhl Duwehte Sapwellimen Sises Kasukuhl.” Kawehwehda mwahu mengihtik kan me sounpadahk kan kak sewesehki irail ko me re kin kasukuhlih ren alehda arail pwukoah en wehwehkihla rongamwahuo oh kalaudehla arail momouriki.

Wihk 6

Ahmw kasukuhl en pidete “Wiahda Wasahn Kasukuhl Soanamwahu,” me mi nan pali me ketihtihki “Wia Ahmw Kasukuhl Duwehte Sapwellimen Sises Kasukuhl.” Sewese tohn sukuhl kan pwe ren wehwehkihla duwen arail pahn sewese tapiada wiepe ehu me koaros en kak towehda oh inengieng ale kasukuhl.

Wihk 7

Ahw kasukuhl en pidete pali me ketihtihki “Doadoahngki Wiepen Kasukuhl Kan Me Wekiwekin.” Wiahda kasukuhl me idipek anahne madamadau oh koahiek, oh mehn sawas me mie nan pali wet kak wia sawas laud. Peki rehn tohn sukuhl kan ren kamwomwehda de koasoiahda de ehukupene dahme re wehwehkiher me pid wiepen kasukuhl kan me koasoape sansal nan pali wet.

Wihk 8

Ahmw kasukuhl en pidete pali me ketihtihki “Kaunopada Ahmw Padahk.” Sewese tohn sukuhl kan pwe ren wehwehkihla kesempwalpen kaunopada kasukuhl mwadang, oh koasoia wiepen pilahnehda oh wia kasukuhl kan me idipek.

Nan ekei ansou me konehng nan irair en kasukuhl, ke pahn ele kakehlaka ahmw kawehwe audepen pali me ketihtihki “Isepen Kasukuhl.” Peki rehn

tohn sukuhl kan ren koasoaiahda wiepe kan me sounpadahk kan kapaiahkidahr arail mour kan oh wiepe me ni arail wia sounpadahk kei sewesehkiher mehteikan.

Mwurin imwseklahn kasukuhl wet, kaongongehki irail kan me towe kasukuhl wet ren peupeusehlahte kepweipen arail pwukoah en sounpadahk. Ma re kapwehng pwukoah en soupadahk en nan perehn sukuhl, arail kaun en priesthood de aukseleri anahne tuhweng irail oh kama-rainiekin irail duwen kasukuhl wet oh ihsnge kan me towehda. Mwurin

met, re uhdahn pahn ansou koaros pakairki pweida kan oh kawehwehieng arail priesthood oh aukseleri anahn oh kahpwal akan. Irail kak lukehla emen kaun kan en pwarek arail kasukuhlo oh seweseirail ni soahng sohte lipilip. Kaun en kaiahn en sounpadahko me wia soun sawas poatoapoat ong irail sounpadahk koaros—irail kan me adaneki sounpadahk en nan perehn sukuhl oh irail ko me kin wia kasukuhl nan arail peneinei oh irail me ahneki pwukoah en kawekaweid.

Alehdi Dipwisou kan en Mwomwohdiso oh Papahki Ire kan me pid Poadoapoad en Peneinei

Soukaweid kan en wasao oh towe teikan pahn kin kak alehdi dipwisou kan en Mwomwohdiso, me iangahki, kasukuhl kan en onop, makasih en Mwomwohdiso, karment kan, oh likou en nan tehnpas sarawi, sang ni arail *Church Distribution Center de Service Center*, sang *Salt Lake Distribution Center*, de sang ni en

Mwomwohdiso Internet site, me mihmi ni www.lds.org.

Ire kan me pid poadoapoad en peneinei mie nan *Church Family History Internet Site*, me mihmi ni www.familysearch.org.

MWOMWOHDISO EN
SISES KRAIS
EN SOULENG EN IMWIN
RAHN AKAN

POHNPEIAN



34595 885